

Alkitab Anggen Anak Alit



Rut: Anak
Sane Subakti



Kasurat olih: Edward Hughes

Kaperagayang olih: Janie Forest
Alastair Paterson

Ka tempa saking: Lyn Doerksen

Ka dwi aksarayang olih: Ni Luh Mastri Ayu Caerina;
Pdt I Gusti Made Alit Purya

Kakaryanin olih: Bible for Children
www.M1914.org

©2023 Bible for Children, Inc.

Perarem: Ida dane dados nerjemahang utawi nyalin carita puniki,
nanging nenten dados ke adol.




Yening semeton preside ketemu ajak pekak buyut semetone, bapan
uli pekak buyut semetone, tur makejang reramane setonden
semeton dadi bagian keluarga nyane, mirib semeton lakar merasa
kejut ulikrana olas asihnyane. Kaceritayang ring kitab sucine ade
salah sinunggalin ninin buyut Ida Hyang
Yesus, parab ipune Rut – anak uli Moab
ane nyungsung berhala.



Satuwe ane nyeritayang indik Rut di wewengkon Israel kekawitin sesuban jaman nyane dane Simson, rikala kaulan Ida Sang Hyang tusing nu nyak percaya lan ngidepang titah Idane. Makejang anak ane ade di wewidangan bangsa Irsaele ketiben sayah ane gede pesan. Apeke semeton sube pade nawang, ape ane madan masan sayah? Beneh pesan! Masan sayahe ento, ciri-cirine yen makejang punya-punyan kayune tusing buin mebuah, lan mati, tusing nu ade entik-entikan nyidang idup, keto masi ubuh-ubuhan lan buron-buronan makejang mati.



Manusane liu masi ane mati uli krane tusing ngelah dedaaran.



Ade anak adiri ane maadan Elimelekh. Dane ngungsi uli kota Betlehem ajak somahnyane, lan pianak nyane ane muani make dadua. Makejang keluargane ajake ngungsi ngalih pengupe jiwa. Ipun ngungsi ke kota ane maadan kota Moab, penegara ane pendudukne nu mebakti tekenin para dewa wiadin berhala.



Ape ane dadi
tetujon dane

Elemelekh ngungsi kota Moab, tusing ja makejang
mejalan saha lancar. Ditongose ento dane Elimelekh
mati,



CHILION

ELIMELECH

MAHLON

keto masi maka dadua pianak danene ane muani.
Naomi somah nyane dane Elimelekh ane jani tuah
hidup ajak mantu-mantune, Rut lan Orpa.



Naomi ane sube tusing ngelah kurenan ento, maan ningehan orte ane melah pesan, ane nuturang ngeniang indik Ida Sang Hyang Widi Wasa sube olas asih ngicen ajeng-ajengan ring bangsa Israele.

Ane jani dane Naomi lakar mulih buin ke tongos pelekadane. Sakewala apeke dane lakar ngajak maka dadue mantun danene? Naomi ngorahin mantun-mantune apange ia mulih, tetep nongos di Moab, apange ditu ia buin makurenan.



Mantun dane Naomi ane maadan Orpa ngidepang pengidihne.
Sakewala Rut ia tusing ja nyak mulih ke umah meme bapane.
Rut mejanji, ia tusing ja lakar ngutang matuane.






Makejang timpal-timpal dane Naomi pade girang ketemu sawireh dane Naomi sube mulih ke kampung ne. Pengidih dane Naomi teken timpal-timpalne, apange ia tusing buin kajeritin nganggon adan

Naomi, dane jani adane Mara ane artine pahit sawireh Ida Sang Hyang Widi Wasa sube liu pesan ngemang unduk ane pahit tekenin dane". Rikala Naomi mulih buin, dane tuah ngabe lime ane puyung, lan Rut mantune.



Yadiastu ring masa ane sube lewat Rut
mebakti ring para dewane, sakewale ane
jani dane mebakti ring Ida Sang Widi Wasa
ane urip, Widin bangsa Israele. Dane rajin
pesan megarapan, apange dane praside
maan bekel ane cukup. Sabilang wai dane
munuh gandum ditegalan anake ane
sedeng manyi, munuh gandum-gandum
sisan pederepe.





Dane Boas, mekele ane ngelahang tegalane ento ningeh orte unduk Rut ane tresna pesan tekenin matuane. Ritatkala dane ketemu ring dane Rut, Boas lantasmrentahang pare pederepe apange ia tusing nelahang ngalap gandume, apange Rut liu maan munuh sisan-sisan gandume.





Ritatkala dane Rut nyatua tekenin dane Naomi unduk Dane Boas ane olas asih ento, dane Rut jeg merasa liang pesan, nah ditu lantas dane memuji-muji parab Ida Sang Hyang Widi Wasa, uli krane Ida Sang Hyang Widi sube metemuang Rut tekinin dane Boas, kaum kerabat danene, ane ngelah kewajiban dadi juru tebus danene ajak dadue.






Dinane terus mejalan,
Dane mekele Boas
dot pesan makurenan
ajak dane Rut, saha
ngutsahayang tanah
ane kegelahang baan

kelurgan dane Naomi. Sakewala enu ade nyaman
dane Boas ane nu pantesan nganten ngajak Rut.
Nyamane ento ngedotan tanahne, sakewala tusing
nyak nyuang Rut dadi kurenane. Awig-awig ane
ade dugase ento buke kene, nyenja ane lakar
meli tanah keluargane ento, ia tusing dadi nolak
nganten ajak anak ane ngelahang tanahe.



Rerembugan keluarga sube pragat kelaksanayang. Nah dugase ento makejang sube pade setuju yen dane Boas lakar makurenan ajake dane Rut. Ditu lantasi dane ngeles sandalne ane aneh diarepang anak ane milu ngerembug terus keserahan tekenin anak len, nah ento ane dadi bukti perjanjian sube ketetepang.



Nah ane jani Naomi sube masih dadi bagian keluargan dane mekele Boas.






Sesubane sah
makurenan dane Boas
lan somahnyane Rut
lantas ngelah pianak
muani ane paling duure,
ane keadanin Obed.
Dane Obed tusinje len
tuah pekak nyane dane
Daud, prabun bangsa
Israele ane paling
kasub.



Nah ane paling ngangobin, dane Obed ento pemuputne ane dadi pekak buyut Ida Hyang Yesus, ane embas uli garis keturunan keluarga dane Daud, Raja ane ngungkulan raja ane ade di jagate tur ane dadi juru rahayun jagate.



Rut: Anak Sane Subakti

Wenten katuturan carita saking pengandika Ida sang Hyang
widi mewasta Alkitab,

dados sobyahang ring

Rut

“Pemargin saking pengandika Ida Ngicenin Karahayuan.”

Mazmur 119:130



Puput



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadmā sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitatur sareng Ida Hyang Widhi ngerahina! Yohanes 3:16

